

## **Nkore - Omutima Orugamba Ebyahandiikirwe - SW Intro Scriptures**

**Luka 17:5 Entumwa zikashaba Mukama ziti: Twongyere okwikiriza!**

**AbaRooma 10:17 N'ahabw'ekyo okwikiriza kuruga omu byahurirwa, n'ebyahurirwa biruga omu kurangirira Kristo.**

**Luka 11:1 Yesu akaba ari omu mwanya gumwe naashaba; ku yaaherize, omwe aha batendekwa be yaamugira ati: Mukama, twegyese okushaba nk'oku Yohaana yaayegyese abatendekwa be.**

**1 Timoteeho 2:1-4 Eky'okubanza kya byona, nimbeehanangiriza ku mushabira abantu boona, nimubeeshengyerereza, nimubatonganira, nimubasiimira, 2 kandi nimushabira abagabe n'abandi boona abaine emyanya mikuru, tubone kubukaara twine obusingye, nitutiina Ruhanga kandi nitutwaza gye omu buryo bwona. 3 Ekyo ni kirungi kandi nikisiimwa omu maisho ga Ruhanga Omujuni waitu, 4 oyenda abantu boona ku bajunwa bakamanya amazima.**

**Luke 22:31 Simooni, Simooni, omanyane ku imwe, Sitaane aikiriziibwe kubashungura nk'engano;**

**Zekariya 3:1,2 - Yuda 1:9 Haza kunu na Mikaeli omukuru wa baamaraika obu yaabaire naatongana na Sitaane, naahakana nawe aha by'omubiri gwa Musa, tareehangire kumucwera rubanja naamujuma, kureka akamugira ati: Mukama abe niwe yaakuhana.**

**AbaEfeso 6:12 Manya titurikurwanisa bantu nyabuntu, kureka niturwanisa amahe g'emitima mibi ey'omu kaabunga, ey'abakuru, ey'ab'obushoboorozi n'ey'abategyeki b'omuri egi nsi y'omwirima.**

**AbaEfeso 6:10,11 Eky'aha muheru, mube abahamire omuri Mukama, muhamiibwe obushoboorozi bw'amaani ge. 11 Mwejunise eby'okurwanisa byona ebya Ruhanga, mubone kwemera obugobya bwa Sitaane.**

**AbaEfeso 6:13-17 N'ahabw'ekyo mukwate eby'okurwanisa byona ebi muhairwe Ruhanga, mubone kugagungira aha izooba ribi, haza ku muriheza kukora byona, mwemerere muhamire. 14 Mpaho mwemerere mwezirikire amazima omu nda, mujwaire okuhikiirira aha kifuba nk'ekyoma ky'okwekingiza. 15 Mujware omu bigyere enkaito, mubone kwetebeekanisiza okurangirira Amakuru Marungi g'obusingye. 16 Okukira byona, mukwate engabo y'okwikiriza, eraababaasise kuraaza emyambi y'omuriro yona ey'Omubi. 17 Kandi mujware enkofiira y'okujunwa, mukwaitse na rurara ya Mutima, nikyo kigambo kya Ruhanga.**

**AbaHeburaayo 4:12** Manya ekigambo kya Ruhanga kiine amagara kandi nikikora; kiine obwogi okukira rurara y'amoogi abiri. Nikicumita, kihika ei kitaanisiza omutima n'amagara, engingo n'omushokooro; kandi kimanyira kimwe ebiteekateeko by'omuntu, n'ebi omutima gwe gurikwenda kukora.

**Luka 4:8** Kwonka Yesu yaamugarukamu ati: Kikahandiikwa ngu: Ogume oramye Mukama Ruhanga waawe, kandi we wenka obe niwe waaheereza.

**AbaEfeso 6:18** Obutoosha mugume mushabe nimweshengyereza Ruhanga kubahwera, kandi nimushabira omuri Mutima. N'ahabw'ekyo mugume nimureeba, nimugumizamu kushabira abarikwera boona.

**1 Samueli 17:45-47 - Daudi & Goliath**

**Luka 10:17-20** Amakumi mushanju na babiri bakagaruka bashemereirwe munonga, baagira bati: Mukama, ku turikukoresa eiziina ryawe, nangwa n'ebyago nibitworobera. **18** Yaabagarukamu ati: Ndeebire Sitaane naagwa, naahanantuka omu iguru nk'omurabyo. **19** Reeba, mbahaire obushoboorozi bw'okusingyeera enjoka n'ebinyabushegu, n'okuribatiirira amaani g'omuzigu goona; tihariho kintu kyona ekiribakora kubi. **20** Kwonka muteekiita ahabw'ebyago kuboobera; kureka mushemererwe ahabw'okuba amaziina gaanyu gahandiikirwe omu iguru.

**2 AbaKorinto 10:3-5** Nobu turi abantu nk'abandi, kwonka titurwana nk'ab'ensi. **4** Manya eby'okurwanisa byaitu eby'orugamba ti biba by'ab'ensi, kureka bigira amaani ga Ruhanga kusheenyagura ebigo. **5** Tumaraho empaka na ibara kintu kyona ekyetunguura kuhakanisa okumanya Ruhanga; kandi nitugomoora buri kiteekateeko kworoobera Kristo.

**2 Timoteeho 1:7** Manya Ruhanga taratuhairerwe mutima gw'obwoba, kureka ogw'amaani, na rukundo n'okwebariirira.

**Matayo 12:28,29** Kwonka ku ndaabe nimbingisa ebyago Mutima wa Ruhanga, biri obwo obukama bwa Ruhanga bubahikireho. **29** Nari omuntu naabaasa ata kutaaha omu nju y'ow'amaani kunyaga ebintu bye atabandize kumukoma, haza akabona kwayira kimwe enju ye?

**AbaEfeso 1:13** Omuriwe naimwe abaahuriire ekigambo ky'amazima, Amakuru Marungi g'okujunwa kwanyu, kandi mukaikiriza Kristo, mukateebwaho Ruhanga akamanyiso, mwahamibwa Mutima Orikwera owaaraganisiibwe.

**Entumwa 19:6** Kandi Paulo ku yaabataireho ati emikono, Mutima Orikwera yaabajaho; baatandika kugamba endimi n'okuranga.

**Mariko 16:15-18** Kandi yaabagira ati: Mugyende omu nsi yoona, murangirire ebihangirwe byona Amakuru Marungi. **16** Oriikiriza

**akabatizibwa, aryajunwa; kandi otariikiriza, aryasingwa orubanja. 17 Obu nibwo bumanyiso obu abaikiriza barimanyirwaho: baryabinga ebyago omu iziina ryangye, baryagamba endimi nsya; 18 baryakwata enjoka, kandi ku barinywa ekirikwita kyona tikiribakora kubi; baryata engaro aha barwaire, bakire.**

**1 Yohaana 1:9 Ku twatura ebibi byaitu, Ruhanga ahabw'okuba n'omwesigwa kandi ohikiriire, abitusaasira kandi atwozyaho ebitahikire byona.**

**Zaaburi 109:17 - Yakobo 3:10 Omuri ako kanwa, harugamu okuhimbisa n'okukyeena. Banyaruganda, ekyo tikishemereire kuba kityo.**

**Orubanja 16:16 - 2 Petero 2:7,8 Reero yaarokora Loti ohikiriire, owaabaire ashobeirwe munonga ahabw'emicwe ekwatiraine n'eby'obushambani bw'abantu babi. 8 Manya ogwo muntu ohikiriire, ebi yaareebire n'ebi yaahuriire abatwiremu nibakora ebitahikire, buri izooba bikaba bimureetera obujune bwingi omu mutima gwe omurungi.**

**AbaEfeso 4:26 Ku haakugira ekyabaitsa ekiniga, mwerinde kirekye kubakoresa ekibi, eizooba rikarenga mukikiine.**

**AbaRooma 14:12 N'ahabw'ekyo omuntu weena omuriitwe aryayetonganira ahari Ruhanga.**

**1 Yohaana 2:23 Tihariho oyehakana Mwana, akagira ati: Taata. Weena oyatura ku arikwikiriza Mwana, biri aine Taata.**

**Yohaana 14:6 Yesu amugarukamu ati: Niinye muhanda n'amazima n'amagara; tihariho oija ahari Taata, atarabire muriinye.**

**Matayo 11:28-30 Yaimwe abaruhire n'abaremereirwe, nimwije ahariinye, mbaruhuure. 29 Mwekorere omugamba gwangye, muunyegeyereho; ahabw'okuba nintwaza gye, haza ndi omucureezi omu mutima; nibwo muraatungire amagara gaanyu ekihumuro. 30 Ahabw'okuba omugamba gwangye gwanguhi, n'omutwaro gwangye tigurikuremeera.**

**2 AbaKorinto 6:2 Ahabw'okuba agira ati: Nkakutega okutu omu bunaku buhikire, naakuhwera aha izooba ry'okujunirwaho. Mbwenu hati nibwo bunaku obuhikire, mbwenu hati niryo izooba ry'okujunirwaho!**

**AbaRooma 10:13 Nk'oku ekyahandiikirwe kirikugira kiti: Weena orihoogyera eiziina rya Mukama aryajunwa.**

**Exodus 20:5 - sin cursed to 3 & 4 generations**

**Pastor T. John Franklin  
Church of Salvation, Healing, and Deliverance  
COS-HAD.org**